

同治五年丙寅刊

板
江
縣
志

板
藏
縣
署

枝江縣志卷之五

秩祀志

八則祭祀所以馭神民者神之主先成民而後致力於神也

國朝祀典春秋頒行俎豆馨香崇奉如儀外此古刹叢祠有廢莫舉亦有舉莫廢禮曰有功德於民者祭之二氏之教儒者不言然慈雲法雨亦或庇蔭一方以俗教安又自有道爰綴於秩祀之末志祀典

先師廟

見建置

枝江縣志

卷之五

秩祀志

大成殿

至聖先師孔子

周魯哀公十七年立廟孔子舊宅

漢高帝十二年過

魯以太牢祀孔子平帝元始元年追謚孔子曰褒成

宣尼公明帝永平十五年幸孔子宅祠仲尼及七十

二弟子親御講堂章帝元和二年祠孔子於闕里及

七十二弟子安帝延光三年祀孔子及七十二弟子

於闕里 魏文帝黃初二年詔以議郎孔羨為宗聖

侯邑百戶奉孔子祀命魯郡修舊廟齊王正始二年



五年七年每講經使太常釋奠以太牢祀孔子於辟
離 晉武帝太始三年詔太學及魯國四時備三牲
以祀孔子太始七年太康三年元帝太興二年講經
竟太子並親釋奠以太牢祀孔子 宋元嘉二十二
年皇太子釋奠國子學如晉故事舞八佾設軒懸
隋文帝稱宣師尼父詔州縣學以春秋二仲月上丁
釋奠 唐貞觀二年升孔子爲先聖四年詔州縣學
皆作孔子廟十一年詔尊孔子爲宣父四年太宗親
釋奠於國子學開元二十七年詔謚文宣王二京之

枝江縣志

卷之五

秩祀志

二

祭牲太牢樂宮懸舞六佾州縣之牲以少牢而無樂
宋真宗大中祥符元年尊孔子爲元聖文宣王後
改至聖文宣王四年詔州城立孔子廟仁宗景祐元
年詔釋奠用登歌 元成宗大德十一年加孔子號
曰大成 明洪武元年詔以太牢祀孔子於國學十
五年詔天下通祀孔子二十六年頒大成樂於天下
嘉靖九年改大成至聖文宣王稱至聖先師孔子

國朝因之

御製孔子贊

蓋自三才建而天地不居其功一申傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰溯前
徽堯舜禹湯文武達而在上兼君師之寄行道之聖人
也孔子不得位窮而在下秉刪定之權明道之聖人也
行道者勲業炳於一朝明道者教思周於百世堯舜禹
湯文武之後不有孔子則學術紛淆仁義湮塞斯道之
失傳也久矣後之人而欲探二帝三王之心法以爲治
國平天下之準其奚所取衷焉然則孔子之爲萬古一
枝江縣志

卷之五

秩祀志

三

人也審矣朕巡省東國謁祀闕里景仰滋深敬摛筆而
爲之贊曰

清濁有氣剛柔有質聖人參之人極以立行著習察舍
道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖誕生聲金振玉集厥大
成序書刪詩定禮正樂旣窮象繫亦嚴筆削上紹往緒
下示來型道不終晦秩然大經百家紛紜殊途異趣日
月無踰羹牆可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙

夜勗哉令圖溯源洙泗景躡唐虞載歷庭除式觀禮器
擯毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱牆高萬仞夫子之堂孰窺其藩孰窺其
徑道不遠人克念作聖

東配

復聖顏子 漢永平十五年祀七十二弟子顏子位第
一魏晉祀孔子均以顏子配唐貞觀二年以孔子爲
先聖顏子配饗

棧江縣志

卷之五

秩祀志

四

御製顏子贊

聖道早聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王佐之器

述聖子思子 宋大觀二年從祀端平三年升列哲位
咸淳三年配饗

御製子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門養之

藏密擴之無垠

西配

宗聖曾子 唐開元八年從祀宋咸淳三年配饗

御製曾子贊

洙泗之傳曾以得之一貫曰唯聖學在茲明德新民至善為期格致誠正均平以推至德要道百行所基纂承統緒修明訓辭

亞聖孟子 宋元豐七年配饗

御製孟子贊

枝江縣志

卷之五

秩祀志

五

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

以上配位宋以前皆稱封爵元至順元年贈顏子

充國復聖公會子邾國宗聖公子思子沂國述聖

公孟子鄒國亞聖公明嘉靖九年改稱復聖顏子

宗聖曾子述聖子思子亞聖孟子

國朝因之

東哲

先賢閔子 唐開元八年從祀

先賢冉子 唐開元八年從祀

先賢端木子 唐開元八年從祀

先賢仲子 唐開元八年從祀

先賢卜子 唐貞觀二十一年以經師從祀開元八年

以十哲從祀

先賢有子 唐開元八年從祀

國朝乾隆三年升列哲位

西哲

枝江縣志

卷之五

秩祀志

六

先賢冉子 唐開元八年從祀

先賢宰子 唐開元八年從祀

先賢冉子 唐開元八年從祀

先賢言子 唐開元八年從祀

先賢顓孫子 唐開元八年從祀宋咸淳三年升列哲

位

先賢朱子 宋淳祐元年從祀

國朝康熙五十一年升列哲位

以上哲位宋以前皆稱封爵明嘉靖九年改稱先

賢某子

國朝因之有子朱子升列哲位從一例

東廡先賢

先賢公孫僑

國朝咸豐七年從祀原西廡今移東廡

先賢林放 唐開元二十七年從祀明嘉靖九年改祀

於鄉

國朝雍正二年復祀原西廡今移東廡

先賢原憲 唐開元二十七年從祀

枝江縣志

卷之五

秩祀志

七

先賢南宮适 唐開元二十七年從祀

先賢商瞿 唐開元二十七年從祀

先賢漆雕開 唐開元二十七年從祀

先賢司馬耕 唐開元二十七年從祀

先賢梁鱣 唐開元二十七年從祀

先賢冉孺 唐開元二十七年從祀

先賢伯虔 唐開元二十七年從祀

先賢冉季 唐開元二十七年從祀

先賢漆雕徒父 唐開元二十七年從祀

先賢漆雕哆 唐開元二十七年從祀

先賢公西赤 唐開元二十七年從祀

先賢任不齊 唐開元二十七年從祀

先賢公良孺 唐開元二十七年從祀

先賢公肩定 唐開元二十七年從祀

先賢鄔單 唐開元二十七年從祀

先賢罕父黑 唐開元二十七年從祀

先賢榮旂 唐開元二十七年從祀

先賢左人郢 唐開元二十七年從祀

枝江縣志 卷之五 秩祀志

先賢鄭國 唐開元二十七年從祀

先賢原亢 唐開元二十七年從祀

先賢廉潔 唐開元二十七年從祀

先賢叔仲會 唐開元二十七年從祀

先賢公西輿如 唐開元二十七年從祀

先賢邾莒 唐開元二十七年從祀

先賢陳亢 唐開元二十七年從祀

先賢琴張 唐開元二十七年從祀

先賢步叔乘 唐開元二十七年從祀

先賢秦非 唐開元二十七年從祀

先賢顏噲 唐開元二十七年從祀

先賢顏何 唐開元二十七年從祀明嘉靖九年罷

國朝雍正二年復祀

先賢縣賈

國朝雍正二年從祀

先賢牧皮

國朝雍正二年從祀原西廡今移東廡

先賢樂正克

枝江縣志

卷之五

秩祀志

九

國朝雍正二年從祀

先賢萬章

國朝雍正二年從祀

先賢周敦頤 宋淳祐元年從祀

先賢程顥 宋淳祐元年從祀

先賢邵雍 宋咸淳三年從祀

西廡先賢

先賢蘧瑗 唐開元二十七年從祀明嘉靖九年改祀

於鄉

國朝雍正二年復祀原東廡今移西廡

先賢澹臺滅明 唐開元二十七年從祀原東廡今移

西廡

先賢宓不齊 唐開元二十七年從祀

先賢公冶長 唐開元二十七年從祀

先賢公皙哀 唐開元二十七年從祀

先賢高柴 唐開元二十七年從祀

先賢樊須 唐開元二十七年從祀

先賢商澤 唐開元二十七年從祀

棧江縣志

卷之五 秩祀志

先賢巫馬施 唐開元二十七年從祀

先賢顏辛 唐開元二十七年從祀

先賢曹卹 唐開元二十七年從祀

先賢公孫龍 唐開元二十七年從祀

先賢秦商 唐開元二十七年從祀

先賢顏高 唐開元二十七年從祀

先賢壤駟赤 唐開元二十七年從祀

先賢石作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成 唐開元二十七年從祀

先賢公祖句茲 唐開元二十七年從祀

先賢燕伋 唐開元二十七年從祀

先賢樂欬 唐開元二十七年從祀

枝江縣志 卷之五 秩祀志

先賢狄黑 唐開元二十七年從祀

先賢孔忠 唐開元二十七年從祀

先賢公西蒧 唐開元二十七年從祀

先賢顏之僕 唐開元二十七年從祀

先賢施之常 唐開元二十七年從祀

先賢申棖 唐開元二十七年從祀

先賢左邱明 唐貞觀二十一年以經師從祀

先賢秦冉 唐開元二十七年從祀明嘉靖九年罷

國朝雍正二年復祀

先賢公明儀

國朝咸豐三年從祀原東廡今移西廡

先賢公都子

國朝雍正二年從祀

先賢公孫丑

國朝雍正二年從祀

先賢張載

宋淳祐元年從祀

先賢程頤

宋淳祐元年從祀

以上先賢位宋以前從祀者皆稱封爵明嘉靖九

枝江縣志

卷之五

秩祀志

十三

年改稱先賢某子周張程邵五子嘉靖時稱先儒

崇禎十五年改稱先賢位在七十子之下漢唐諸

儒之上

國朝俱稱先賢不稱子

東廡先儒

先儒公羊高

唐貞觀二十一年從祀

先儒伏勝

唐貞觀二十一年從祀

先儒毛亨

國朝同治二年從祀

先儒孔安國 唐貞觀二十一年從祀原西廡今移東廡

先儒后蒼 明嘉靖九年從祀

先儒鄭康成 唐貞觀二十一年從祀明嘉靖九年改

祀於鄉

國朝雍正二年復祀原西廡今移東廡

先儒范甯 唐貞觀二十一年從祀明嘉靖九年改祀於鄉

國朝雍正二年復祀原西廡今移東廡

枝江縣志

卷之五

秩祀志

三

先儒陸贄

國朝道光六年從祀

先儒范仲淹

國朝康熙五十四年從祀

先儒歐陽修 明嘉靖九年從祀

先儒司馬光 宋咸淳三年從祀原西廡今移東廡

先儒謝良佐

國朝道光二十九年從祀

先儒羅從彥 明萬曆四十二年從祀

先儒李綱

國朝咸豐元年從祀原西廡今移東廡

先儒張栻 宋景定二年從祀原西廡今移東廡

先儒陸九淵 明嘉靖九年從祀原西廡今移東廡

先儒陳淳

國朝雍正二年從祀

先儒真德秀 明正統二年從祀原西廡今移東廡

先儒何基

國朝雍正二年從祀原西廡今移東廡

枝江縣志

卷之五

秩祀志

十四

先儒文天祥

國朝道光二十三年從祀原西廡今移東廡

先儒趙復

國朝雍正二年從祀

先儒金履祥

國朝雍正二年從祀原西廡今移東廡

先儒陳澔

國朝雍正二年從祀原西廡今移東廡

先儒方孝儒

國朝同治二年從祀

先儒薛瑄 明隆慶五年從祀原西廡今移東廡

先儒胡居仁 明萬曆十二年從祀

先儒羅欽順

國朝雍正二年從祀

先儒呂柟

國朝同治二年從祀原西廡今移東廡

先儒劉宗周

國朝道光二年從祀原西廡今移東廡

枝江縣志

卷之五 秩祀志

五

先儒孫奇逢

國朝道光八年從祀原西廡今移東廡

先儒陸隴其

國朝雍正二年從祀原西廡今移東廡

西廡先儒

先儒穀梁赤 唐貞觀二十一年從祀

先儒高堂生 唐貞觀二十一年從祀

先儒董仲舒 元至順元年從祀原東廡今移西廡

先儒毛萇 唐貞觀二十一年從祀

先儒杜子春 唐貞觀二十一年從祀原東廡今移西廡

先儒諸葛亮

國朝雍正二年從祀原東廡今移西廡

先儒王通 明嘉靖九年從祀原東廡今移西廡

先儒韓愈 宋元豐七年從祀

先儒胡瑗 明嘉靖九年從祀

先儒韓琦

國朝咸豐二年從祀原東廡今移西廡

枝江縣志

卷之五 秩祀志

六

先儒楊時 明宏治八年從祀原東廡今移西廡

先儒尹焞

國朝雍正二年從祀

先儒胡安國 明正統二年從祀

先儒李侗 明萬曆四十二年從祀原東廡今移西廡

先儒呂祖謙 宋景定二年從祀原東廡今移西廡

先儒黃幹

國朝雍正二年從祀

先儒蔡沈 明正統二年從祀原東廡今移西廡

先儒魏了翁

國朝雍正二年從祀原東廡今移西廡

先儒王柏

國朝雍正二年從祀原東廡今移西廡

先儒陸秀夫

國朝咸豐九年從祀

先儒許衡 元皇慶二年從祀

先儒吳澄 明正統八年從祀嘉靖九年罷

國朝乾隆二年復祀原東廡今移西廡

枝江縣志

卷之五 秩祀志

十七

先儒許謙

國朝雍正二年從祀原東廡今移西廡

先儒曹端

國朝咸豐十年從祀原東廡今移西廡

先儒陳獻章 明萬曆十二年從祀

先儒蔡清

國朝雍正二年從祀

先儒王守仁 明萬曆十二年從祀原東廡今移西廡

先儒呂坤

國朝道光六年從祀

先儒黃道周

國朝道光五年從祀原東廡今移西廡

先儒湯斌

國朝道光三年從祀原東廡今移西廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠

見建置

枝江縣志

卷之五 秩祀志

十六

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮

國朝咸豐七年配饗

先賢顏氏無繇

唐開元二十七年從祀明嘉靖九年

年配饗

先賢孔氏名鯉

宋咸淳三年從祀明嘉靖九年配饗

西配

先賢曾氏名皙

唐開元二十七年從祀明嘉靖九年

枝江縣志

卷之五 秩祀志

九

配饗

先賢孟孫氏名激

明嘉靖九年配饗

東廡先儒

先儒周氏名輔成

明萬曆二十三年從祀

先儒程氏名珦

明嘉靖九年從祀

先儒蔡氏名元定

明嘉靖九年從祀

西廡先儒

先儒張氏名迪

國朝雍正二年從祀

先儒朱氏名松 明嘉靖九年從祀

以上先賢先儒位明嘉靖時稱先賢某氏先儒某氏

國朝因之歲春秋仲月上丁致祭正獻長官主之其貳及所屬分獻司祝司香司帛司爵司饌通贊引贊以學弟子員嫻禮儀者執事在城文武官咸與祭崇聖祠教諭正獻前後兩廡皆食餼學弟子員各一人分獻

先二日昧爽吏設齋戒牌於儀門承祭官暨分獻陪祭

枝江縣志

卷之五

秩祀志

三

各官乃致齋

右齋戒

豫期承祭官詣犧牲所眡牧所牲豫設香案於庭中承祭官詣香案前北面牧人牽牲過案前所牧跪告牲眡畢退

右眡牲

先一日宰人豫鑿坎於宰牲所設香案一承祭官詣香案前上香遂眡宰宰人割牲以豆取毛血瘞於坎

右眡割牲

將事前夕命廟戶潔蠲殿內外拂拭

神座具器陳

先師位前牛一羊一豕一豮一釭一釭二簠二簠二簠二簠十豆
十鑪一鐙二

四配位前東西各羊一豕一釭二簠二簠二簠二簠八豆八
鑪一鐙二

十二哲位前東西各羊一豕一釭一簠一簠一簠四豆

四鑪一鐙二殿中設一案少西北向供祝版書祝文及承祭

官姓名其南東設一案西向陳禮神制帛九色白香盤後同

枝江縣志

卷之五

秩祀志

三

四尊三爵二十有七西設一案東向陳禮神制帛八

香盤三尊二爵二十有四俎篚疏布窰勺具設洗於

階下之東司樂設樂器於兩階金編鐘在東玉編磬

在西東應鼓一柷一麾一西啟一東西分列琴六瑟

四簫六篴六箎四排簫二塤二笙六搏拊二旌二羽

籥三十有六

先賢位前東西各羊二豕二香案一鑪一鐙二

先儒位前東西各羊一豕一香案一鑪一鐙二每二位

同案各案爵二寶酒簠一簠一邊四豆四東西各設

案一於南北向各陳禮神制帛二香盤二尊二虛爵
六俎篚纂勺具凡牲陳於俎凡帛正位配位異篚東
西序東西廡共篚

崇聖祠正位前各羊一豕一鉶二簋二籩二邊八豆八
鑪一鐙二

配位前東西各羊一豕一簋一籩一邊四豆四鑪一鐙
二申設一案少西供祝版東設一案陳禮神制帛五
香盤五尊四爵十有五西設一案陳禮神制帛四香
盤四尊三爵十二

枝江縣志

卷之五

秩祀志

三

兩廡東二案西一案每位爵一實酒每案陳設簋籩邊
豆羊豕鑪鐙如配位之數各南設一案陳禮神制帛
一香盤一尊一虛爵三俎篚纂勺具設洗於階下之
東

右陳設

陳設畢承祭官恭詣

大成殿周省齋盛及邊豆登鉶之實次詣兩廡省畢詣
崇聖祠正殿及兩廡省祇如儀

右省齋

及期雞初鳴承祭官分獻陪祭各官豫集櫺星門致齋
所均朝服質明贊引引承祭官自左側門入分獻官
陪祭官隨入至階東盥手畢詣拜位前立通贊贊執
事者各供乃職樂舞生登歌文舞六佾進贊引贊就
位引承祭官分獻官陪祭官各就位立通贊贊迎
神奏昭平之章辭曰大哉

孔子先覺先知與天地參萬世之師祥徵麟紱韻答金
絲日月旣揭乾坤清夷司樂舉旄工鼓祝樂作贊引
贊就上香位引承祭官升東階入殿左門贊詣

枝江縣志

卷之五

秩祀志

三

先師香案前贊跪承祭官跪行一叩禮興贊上香司香
跪奉香承祭官上炷香三上瓣香行一叩禮興以次
詣

四配位前跪上香儀同贊復位引承祭官退及殿左門
北面揖出降階復位初迎

神時贊引分引東西序分獻官各一人升東西階入殿
左右門詣

十二哲位前跪上香退降階復位引兩廡分獻官東西
各二人分詣

先賢

先儒位前跪上香退復位均如前儀贊引贊跪叩興各

官行三跪九叩禮興樂師偃旄工夏啟樂止凡樂以舉旄鼓

祝作以偃旄夏啟止後同

右迎神

通贊贊奠帛爵行初獻禮奏宣平之章辭曰予懷明德

玉振金聲生民未有展也大成俎豆千古春秋上丁

清酒既載其香始升司樂舉節舞羽籥之舞樂作贊

引引承祭官升階贊詣

枝江縣志

卷之五

秩祀志

五

先師位前贊跪承祭官跪行一叩禮興司帛跪奉篚承

祭官受篚供舉奠於案司爵跪奉爵承祭官受爵供

舉奠於墊中跪行一叩禮興贊引贊就讀祝位引承

祭官至殿中拜位立司祝至祝案前跪三叩奉祝版

立案左樂暫止贊引贊跪承祭官分獻官暨陪祭官

皆跪贊讀祝司祝跪讀祝其辭曰維某年月日某官

某致祭於

至聖先師孔子曰惟

先師德隆千古道冠百王揭日月以常行自生民所未

有屬

文教昌明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春秋祇率彝章肅展微忱聿將祀典以

復聖顏子

宗聖曾子

述聖子思子

亞聖孟子配尚

饗讀畢興奉祝版跪安

棧江縣志

卷之五

秩祀志

五

先師位前篚內三叩興退樂作贊引贊跪興承祭官分獻官陪祭官行三叩禮興贊引引承祭官以次詣

四配位前跪奠帛獻爵儀同退及殿左門北面揖出降階復位贊引分引兩序分獻官升東西階入殿左右門詣

十二哲位前跪奠帛獻爵儀同退及門北面揖出降階復位引兩廡分獻官分詣

先賢

先儒位前奠帛獻爵揖出復位儀同樂止

右初獻

通贊贊行亞獻禮奏秩平之章辭曰式禮莫愆升堂再獻響協蕤鐘誠孚鼎鬯肅肅雍雍譽髦斯彥禮陶樂淑相觀而善舞如初樂作贊引引承祭官升階贊詣先師暨四配位前奠爵於左如初兩序兩廡隨分獻畢均復位樂止

右亞獻

通贊贊行三獻禮奏叙平之章辭曰自古在昔先民有作皮弁祭菜於論思樂惟

枝江縣志

卷之五

秩祀志

三

天牖民惟

聖時若夔倫攸叙至今木鐸舞如初樂作贊引引承祭官升階贊詣

先師暨四配位前奠爵於右如初兩序兩廡隨分獻畢均復位樂止文德之舞退

右三獻

通贊贊飲福受胙贊引贊詣受福胙位引承祭官至殿中拜位立奉福胙二人自東案奉福胙至先師位前拱舉福胙立承祭官之右接福胙二人自西案

進立於左贊引贊跪承祭官跪贊飲福酒右一人跪
遞福酒承祭官受爵拱舉以授於左接以興次受胙
如飲福之儀贊叩興承祭官三叩興贊復位引承祭
官退及殿左門北面揖出降階復位次行謝福胙禮
贊跪叩興承祭官分獻官暨陪祭官均行三跪九叩
禮興

右飲福受胙

通贊贊徹饌奏懿平之章辭曰

先師有言祭則受福四海贊宮疇敢不肅禮成告徹毋

枝江縣志

卷之五

秩祀志

七

疏毋瀆樂所自生中原有菽樂作徹畢樂止

右徹饌

通贊贊送神奏德平之章辭曰鳧釋峩峩洙泗洋洋景
行行止流澤無疆聿昭祀事祀事孔明化我烝民育
我膠庠樂作贊引贊跪叩興承祭官分獻官暨陪祭
官行三跪九叩禮興樂止

右送神

通贊贊奉祝帛饌送燎有司各奉祝帛香饌恭送燎所
承祭官避立拜位西族過復位樂作贊引引承祭官

詣燎所視燎畢仍由左側門出樂止禮畢各官皆退
右視燎

崇聖祠同時致祭贊引引承祭官分獻官入詣階下盥
手通贊贊執事者各司其事贊引贊就位引承祭官
分獻官就位通贊贊迎

神司香奉香盤就各香案前立贊引贊升階引承祭官
升東階入殿左門詣

肇聖王位前贊跪承祭官跪行一叩禮興贊上香司香
跪奉香承祭官上炷香三上瓣香跪行一叩禮興次

枝江縣志

卷之五

秩祀志

三

詣左右

正位前跪上香儀同退及殿左門北面揖出降階復位
贊引分獻官升東西階入殿左右門分詣

配位前跪上香如儀咸退及門北面揖出降階復位引
兩廡分獻官分詣兩廡

從位前跪上香揖出復位均如前儀贊引贊跪叩興承
祭官分獻官行三跪九叩禮興通贊贊奠帛爵行初
獻禮贊引引承祭官升階贊詣

正位前贊跪承祭官跪行一叩禮興司帛跪奉篚承祭

官受篚拱舉奠於案司爵跪奉爵承祭官受爵拱舉奠於墊中跪行一叩禮興以次詣左右

正位前跪奠帛獻爵儀同贊引贊就讀祝位引承祭官詣拜位前立司祝至祝案前跪三叩奉祝版跪案左贊跪承祭官分獻官皆跪贊讀祝司祝跪讀祝辭曰維某年月日某官致祭於

肇聖王

裕聖王

詒聖王

稜江縣志

卷之五 秩祀志

三

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷率循源而溯本宜肅明禮之典用申守土之忱茲屆仲春聿修祀事配以

先賢孔氏

先賢曾氏

先賢孔氏

先賢孟孫氏尙

饗讀畢興奉祝版跪安

肇聖王位前篚內三叩興退贊引贊叩興承祭官分獻

官行三叩禮興贊復位引承祭官復位贊引引分獻

官詣

配位前及兩廡

從位前奠帛獻爵均如正獻儀亞獻各獻爵於左終獻

各獻爵於右均如初儀通贊贊徹饌有司徹畢贊送

神贊引贊跪叩興承祭官分獻官行三跪九叩禮興通

贊贊奉祝帛饌送燎有司各奉祝帛香饌恭送燎所

枝江縣志

卷之五

秩祀志

三

贊引引承祭官詣燎所視燎贊禮畢退

名宦祠

見建

史子暈

宋朝散大夫

程德

元縣令

李智

明縣令

蔡文

明縣令

高公夏

明縣顏鑰

董燧

明縣令

許文獻

明縣令

余能

明縣令

李

相明教蔡文清

明教論

劉傑

明訓導

陳試傑

明典史

沈嘉聞

明教

論秘延瑞

國朝縣令俱見職官

鄉賢祠

見建

霍峻

蜀漢人

董和

蜀漢人

董允

蜀漢人

劉凝之

劉宋人

龔英

明進士

劉士英

明隱逸

田原慶

明進士

潘永智

明舉人

何勗

明舉人

卞勳

明歲 裴相 明舉人 田大本 明歲貢 潘希召 明歲貢俱見人物志

昭忠祠

張一芝 咸豐四年署武昌府教 恤贈國子監學錄

節義祠 見建置

毛金氏 淡譚氏 趙阮氏 田周氏 陳覃氏 楊

雷氏 施田氏 淡大姑 劉蕭氏 劉蕭氏 李譚

氏 以上舊志入祠年 代俱詳節孝志

郭熊氏 王馮氏 朱曹氏 劉楊氏 唐鄒氏 馮

張氏 吳曹氏 吳汪氏 裴楊氏 姚王氏 鄧大

枝江縣志 卷之五 秩祀志 三

姑 鍾王氏 王鍾氏 龍曾氏 梁閻氏 楊王氏

楊胡氏 楊裴氏 羅李氏 熊王氏 張胡氏

胡周氏 以上新志其入祠年代有案可考者亦詳節孝志

歲春秋釋奠禮畢鄉紳公服分詣各祠致祭是日清晨

執事人陳羊一豕一豕一邊四豆四鑪一鐙二陳祝文於

案左陳壺一爵三帛一香盤一於案右引贊引主祭

官詣案前北面立禮生自右奉香盤主祭官三上香

訖引贊贊跪叩興主祭官跪三叩興奠帛獻爵均如

儀讀祝者取祝文跪案左引贊贊跪主祭官跪讀祝

者讀祝文不脩載讀畢以祝文復於案退主祭官俯伏興
執事者酌酒獻於左又酌酒獻於右退引贊贊跪叩
興主祭官跪三叩興執事者以祝帛送燎引贊引主
祭官出執事者徹皆退

關帝廟

見建置

正殿

忠義神武靈佑仁勇威顯護國保民精誠綏靖關聖帝
君神位

宋徽宗崇甯元年封忠惠公大觀二年加封武安王高
宗建炎二年加封壯繆武安王孝宗淳熙十四年封
英濟王祭於荆門當陽縣廟元文宗天曆元年封顯
靈威勇武安英濟王明洪武復原封漢壽亭侯萬曆
二十三年進爵爲帝廟曰英烈四十二年勅封三界
伏魔大帝神威遠鎮天尊關聖帝君又封夫人爲九
靈懿德武肅英皇后子平爲竭忠王興爲顯忠王周
倉爲威靈惠勇公賜以左丞相一員爲陸秀夫右丞
相一員爲張世傑其道壇之三界馘魔元帥則以宋
岳飛代其佛寺伽藍則以唐尉遲恭代繼又尊爲武

枝江縣志

卷之五

秩祀志

三

廟與

孔廟並祀

國朝順治九年

勅封忠義神武關聖大帝雍正三年

勅封曾祖光昭公祖裕昌公父成忠公乾隆三十三年

勅封忠義神武靈佑關聖大帝六十年奉

旨節去勅封字樣嘉慶十八年加

封忠義神武靈佑仁勇關聖大帝道光八年加

封威顯字樣咸豐三年奉

枝江縣志

卷之五 秩祀志

三

旨升入中祀二年三年六年七年加

封護國保民精誠綏靖字樣加

封曾祖為光昭王祖為裕昌王父為成忠王歲春秋仲

月及五月十三日致祭前殿主祭以正官後殿以承

史執事以禮生祭日味爽廟祝潔掃殿宇內外執事

人具祝版陳牛一羊一豕一豮一釧二簠簋各二邊

豆各十鑪一鐙二殿中設一案少西北向供祝版東

設一案陳禮神制帛一白香盤一尊一爵三牲陳於

俎帛實於篚尊實酒窶勺具設樂於西階上設洗於

東階上承祭官拜位在階上正中司祝司香司帛司爵典儀掌燎各以職爲位如常儀質明承祭官朝服詣廟贊引引承祭官由廟左門入至東階上盥手畢引詣拜位前立通贊贊執事者各共迺職贊引贊就位引承祭官就位立通贊贊迎

神奏格平之章辭曰懿鑠兮焜煌

神威靈兮赫八方偉烈昭兮累禩祀事明兮永遠達精誠兮黍稷馨香儼如在今洋洋樂作贊引贊詣上香位引承祭官入殿左門就香案前立贊上香司香跪

枝江縣志

卷之五

秩祀志

三

奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興通贊贊奠帛爵行初獻禮奏翊平之章辭曰英風颯兮神格思紛羽蓋兮龍旂颯桂醕兮盈卮香始升兮明粲惟降鑒兮在茲流景祚兮翊昌時樂作司帛奉篚司爵奉爵各進至

神位前司帛跪奠篚於案三叩興司爵立獻爵於案正中各退司祝詣祝案前跪三叩興奉祝版跪案左樂暫止贊引贊跪承祭官跪通贊贊讀祝司祝讀祝辭

曰維某年月日某官某致祭於
忠義神武靈佑仁勇威顯護國保民精誠綏靖關聖帝
君神位前曰惟

神星日英靈乾坤正氣允文允武紹聖學於千秋至大
至剛顯神威於六合仰聲靈之赫濯崇祀禮於馨香
茲當仲春用昭時饗惟祈昭格克鑒精虔尚

饗讀畢興以祝版跪安於篚內叩如初興退贊引贊叩
與承祭官行三叩禮興通贊贊行亞獻禮奏恢平之
章辭曰觴再酌兮告虔舞干戚兮合宮懸歆苾芬兮

枝江縣志

卷之五

秩祀志

三

潔蠲扇巍翼兮

神功宣樂作司爵獻爵於左如初獻儀贊行終獻禮奏
靖平之章辭曰鬱鬯兮三申羅籩簋兮畢陳儀卒度
兮肅明禋

神降福兮宜民宜人樂作司爵獻爵於右如亞獻儀通
贊贊徹饌奉彝平之章辭曰物惟備兮咸有明德惟
馨兮

神其受告徹兮禮終罔咎佑我邦家兮孔厚樂作有司
徹饌贊送

神奏康平之章辭曰幢葆歲蕤兮

神聿歸馭鳳軫兮駢虬駢降烟熅兮餘酌馡願回靈盼
兮德洽明威樂作贊引贊跪叩興承祭官行三跪九
叩禮興樂止通贊贊奉祝帛饌送燎有司奉祝帛香
饌以次送燎贊望燎奏康平之章辭曰焄蒿烈兮燎
有輝

神光遙燭兮祥雲霏祭受福兮茂典無違庶揚駿烈兮
永奠亶畿樂作贊引引承祭官詣燎位視燎禮畢樂
止承祭官及執事官皆退

枝江縣志

卷之五

秩祀志

三

後殿

光昭王位中

裕昌王位左

成忠王位右同日致祭位各異案每案羊一豕一劔二
簋簋各二籩豆各八鑪一鐙二殿中設案少西北向
供祝版東西各設一案分陳禮神制帛三色香盤三
爵九尊三俎篚纂勺具儀注行二跪六叩禮餘同前
殿祝辭曰維某年月日某官致祭於

光昭王

裕昌王

成忠王位前曰惟

王世澤覃庥令儀裕後靈鍾河嶽篤生神武之英誠溯淵源宜切尊崇之報班爵超躬桓而上升香肅俎豆之陳茲際仲春爰修祀事尚祈昭鑒式此苾芬尙

饗

五月十三日前殿祝文辭曰維某年月日某官致祭於忠義神武靈佑仁勇威顯護國保民精誠綏靖關聖帝君位前曰惟

枝江縣志

卷之五

秩祀志

三

神九宇承庥兩儀合撰嵩生嶽降瀚誕聖之靈辰日午天中屆恢台之令序聰明正直壹者也千秋徵胙饗之隆盛德大業至矣哉六幕肅馨香之薦爰循懋典式展明禋苾芬時陳精誠鑒格尙

饗

五月十三日後殿祝文辭曰維某年月日某官致祭於

光昭王

裕昌王

成忠王位前曰惟

王迪德承家累仁昌後崧生嶽降識毓聖之有基本本
水源宜推恩之及遠封爵特超於五等馨香永薦於
千秋際仲夏之屆時命禮官而將事惟祈昭格鑒此
精虔尙

饗

文昌宮

見建
置

正殿

文昌帝君神位

文昌之祀一以爲天神天官書斗魁戴筐六星一上將

稜江縣志

卷之五

秩祀志

三

二次將三貴相四司命五司中六司祿是爲文昌宮
文昌之稱始此一以爲人鬼在周爲張仲在漢爲張
良在晉爲涼王呂光在五代爲蜀主孟昶在姚秦之
世又爲越嶲人張亞子立廟梓潼山唐明皇西狩追
封左丞僖宗入蜀封順濟王宋咸平中改封英顯元
延初加封輔元開化文昌司祿帝君帝君之稱始此
國朝嘉慶六年欽奉

上諭

文昌帝君主持文運福國佑民崇正教闢邪說靈蹟最

著海內崇奉與

關聖大帝相同允宜列入祀典用光文治歲以二月初三日及中秋月諏吉致祭儀注祭品均與

關帝儀同咸豐七年奉

旨升入中祀一切禮節悉照

武廟辦理質明承祭官朝服詣廟贊引引承祭官由廟左門入以次儀與

關帝廟同贊迎

神奏丕平之章辭曰秉氣兮靈纏翊文運兮赫中天蜺

枝江縣志

卷之五

秩祀志

三五

旌兮戾止雕俎兮告虔迓

神庥兮於萬斯年樂作贊詣上香位儀均與

關帝廟同贊奠帛爵行初獻禮奏俶平之章辭曰

神之來兮遠簋式陳

神之格兮几筵式親極昭彰兮靈貺致蠲潔兮明禋升香兮伊始居歆兮佑我人民樂作以次奉篚奉爵奉祝版儀與

關帝廟同樂暫止贊跪承祭官跪贊讀祝司祝讀祝辭曰維某年月日某官致祭於

文昌帝君神位前曰惟

神道闡苞符性敦孝友並行並育德侔天地以同流乃
聖乃神教炳日星而大顯仰鑒觀之有赫示明德之
惟馨茲當仲春用昭時享惟祈

歆格克鑒精虔尙

饗讀畢興如

關帝儀贊行亞獻禮奏煥平之章辭曰再酌兮瑤觴燦
爛兮庭燎之光申虔禱兮

神座儼陟降兮

枝江縣志

卷之五 秩祀志

四

帝旁粢醴潔兮齋邀將綏景運兮靈長樂作司爵獻爵
於左如初獻儀贊行終獻禮奏煥平之章辭曰禮成
三獻兮樂奏三終覃敷元化兮絜

神功馨香達兮肸蠁通歆明德兮昭察寅衷樂作司爵
獻爵於右如亞獻儀贊徹饌奏懿平之章辭曰脩物
兮惟時告徹兮終禮儀

神悅懌兮鑒在茲垂鴻佑兮累洽重熙樂作徹畢贊送
神奏蔚平之章辭曰雲駢駕兮風旂招

神之歸兮天路遙瞻翠葆兮企丹霄願回靈眷兮福我

朝樂作贊跪叩興承祭官行三跪九叩禮興樂止贊奉
祝帛饌送燎以次送燎如儀贊望燎奏蔚平之章辭
曰細縕降兮元氣和

神光燭兮梓潼之阿化成者定兮橐弓戢戈文治光兮
受福則那樂作贊引引承祭官詣燎位望燎禮畢樂
止承祭官及執事官皆退

後殿

文昌帝君先代神位

國朝嘉慶六年太常寺奏准

枝江縣志

卷之五

秩祀志

三

文昌帝君三代姓名杳無確據未便請加封號謹據增
製神牌一分牌面書

文昌帝君先代神位字樣歲春秋及二月初三日同日
致祭祭品儀注與祭

關帝廟後殿同祝辭曰惟

神祭引先河之義禮崇反本之思矧夫世德彌光延賞
斯及祥鍾累代炯列宿之精靈化被千秋緯人文之
主宰是尊後殿用達前庥茲值仲春肅將時祀用申
告潔

神其格歆尙

饗 此錄舊載祝辭新頒祝辭卽以升入中祀後殿告祭文作春秋祭後殿祝文文附後

二月初三日告祭祝文辭曰維

神功參橐籥撰合乾坤溯誕降之靈辰三台紀瑞度中

和之令節九宇承輝若日月之有光明闡大文於孝

友如天地無不覆載感至治於馨香爰舉上儀敬陳

芳薦精禋罔斃

神鑒式臨尙

饗

枝江縣志

卷之五

秩祀志

三

二月初三日後殿告祭祝文辭曰維

文昌帝君道脩中和神超亭毒稟貽謀而允紹欽毓聖

之有基雲漢昭回際嶽降崧生之會馨香感格興水

源木本之思式肇明禋用光彝典尙祈

神鑒享此清芬

升入中祀告祭文辭曰教嚴彰輝敷經天緯地之文典

重揄揚顯福國佑民之化俎豆聿隆於往昔聲靈前

著於寰區爰命秩宗特崇祀享維

神天資孝友灑氣仁慈統四德而稱元贊三才而立極

闡化啟天人之奧正教宏開黜邪昭日月之暉人文蔚起溯尊崇之告備禮以明虔惟

神聖之垂庥道皆同揆敬稽茂典載涉明禋彰文治以重光肅升馨於中祀練日奏六成之樂聲協鏘鸞調風陳萬舞之儀誠通肸蠁潔苾芬而式荐申嚮往以維虔於戲功蕩蕩乎無名聲教久孚於六幕

神洋洋其如在馨香用報以千秋敬舉上儀尙祈

昭格

升入中祀後殿告祭文辭曰教詒式穀垂抑邪扶正之

枝江縣志

卷之五

秩祀志

三

規禮重升馨著崇德報功之典載稽譜牒祇肅苾芬惟

文昌帝君學裕本源道參位育緬馨香之至治久極尊崇申報享之隆文宜昭誠敬聿升中祀式舉上儀於戲德迪前光十七世仁恩普洽慶餘積善億萬年文運長新敬布明禋尙祈

昭鑒

按舊志

武廟後殿祝文命禮官云云今志

文昌

廟升中祀告祭文命秩宗云云均與州縣體例不合

茲於武廟沿舊錄之 文昌廟文亦奉 部頒者
併附錄其 文昌廟後殿祝文初頒遺一道後補頒
亦卽初頒之告祭文今亦附入

社稷壇 見建置

陳氏禮書云社爲五土之祗稷爲五穀之神稷非土無
以生土非稷無以見生生之效故祭社必及稷周制
社稷之祀壇而不屋受天陽也漢高祖立官太社太
稷一歲再祀光武帝立社稷於洛陽宗廟之右一歲
三祀唐因隋制並建社稷於含光門右仲春戊日祭

枝江縣志

卷之五

秩祀志

四

之宋制如東漢時元世祖營社稷於和義門內以春
秋二仲上戊日祭明洪武元年太祖親祀太社太稷
頒壇制於天下郡邑右社左稷十一年定同壇合祭
國朝因之祭設本主二曰

社之神

稷之神歲春秋仲月上戊日致祭以長官主之在城文
武官皆與祭既割牲省盞盛以丞若史糾儀以教諭
訓導司香司帛司爵司祝司饌以掾史贊相禮儀以
學弟子員選充前期主祭官暨陪祭官各於公廨致

齋三日掃除壇境內外祭之前夕司饌潔備品物置案於神厨設香燭眡割牲官公服詣案前上香行三叩禮畢宰人牽牲告膾遂割牲以豆取毛血瘞於坎及祭之日雞初鳴執事人入設案一於壇上正中北向陳鉶二實和羹簋二實黍稷簋二實稻粱籩四實形鹽棗栗鹿脯豆四實青菹鹿醢芹菹兔醢若不能備各就土所有以其類充案前設俎陳羊一豕一又前設香案一陳祝文香盤鑪鐙左設一案東向陳篚一實帛二尊一爵六陳福胙於尊爵之次設洗於階下之東漏未盡贊引引主祭官入至階下盥手通贊贊執事者各司其事贊就位贊引引主祭官陪祭官咸就拜位立贊迎

枝江縣志

卷之五

秩祀志

五

神引主祭官升詣香案前跪司香跪奉香主祭官三上香興贊復位引主祭官降階復位立贊跪叩興主祭官暨陪祭官行三跪九叩禮贊初獻引主祭官升詣神位前跪司帛跪奉篚主祭官受篚恭獻仍授司帛興奠於案司爵跪奉爵主祭官受爵恭獻仍授司爵興分詣

社

稷位前各奠正中皆退贊讀祝引主祭官詣香案前跪
陪祭官皆跪司祝三叩興奉祝文跪於右讀曰維某
年月日某官某致祭於

社

稷之神位前曰惟

神奠安九土粒食萬邦分五色以表封圻育三農而蕃
稼穡恭承守土肅展明禋時居仲春敬修祀典庶丸
丸松柏鞏磐石於無疆翼翼黍苗佐神倉於不匱尙

枝江縣志

卷之五

秩祀志

巽

饗讀畢三叩興以祝文復於案退贊叩興主祭官暨陪
祭官三叩興贊復位引主祭官降階復位立贊亞獻
引主祭官升詣

神位前獻爵於左贊終獻獻爵於右均如初獻儀贊

賜福胙引主祭官升詣香案前跪司爵跪進福酒於右
主祭官受爵拱舉司爵接爵興司饌跪進豆肉於左
主祭官受豆拱舉司饌接豆興各退贊叩興主祭官
三叩興贊復位引主祭官復位立贊送

神贊跪叩興主祭官暨陪祭官行三跪九叩禮興贊徹

饌執事人徹饌贊瘞祝帛執事人奉祝次香次帛次饌詣瘞所禮畢各退

先農壇

見建置

禮天子親載耒耜躬耕帝藉無享先農之文惟周語曰農正陳藉禮注云祭其神爲農祈也至唐以藉田之日祀先農而其禮始著晉太始四年乘輿御木輅以耕以太牢祀先農唐宋相沿不廢元議耕藉不親行其祀先農命有司攝事明洪武二年建先農壇於南郊在藉田北親祭以后稷配祀畢行耕藉禮然未頒

枝江縣志

卷之五

秩祀志

七

其制於天下

國朝雍正五年

勅各府州縣建先農壇於城外吉地乾隆二年

勅修壇制歲仲春亥日致祭主祭官陪祭官暨各執事及行禮儀節並同

社稷祭品鉶一簋二簋二籩豆各四羊一豕一帛一尊一爵三祝辭曰惟

神肇興稼穡立我烝民頌思文之德克配彼天念率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風十雨嘉祥恒沐

神庥庶幾九穗雙歧上瑞頌書大有尙

饗餘儀與祭

社稷同祭畢率屬行耕藉禮是日長官視土宜備穀種青箱朱鞭耒服耜黝牛及他農器耕器預陳耕所耆老率農夫披蓑戴笠踈於田間各官易蟒袍詣藉田執事者授耒耜與鞭右秉耒左執鞭丞史一人執箱

稜江縣志

卷之五

秩祀志

哭

一人播種耆老一人牽牛農夫二人扶犁九推九返畢釋鞭耒以次序立田首西北上農夫遂終畝告事畢各官補服望

闕行三跪九叩禮興各退

八蜡不別爲壇雍正十一年

詔有司歲十二月上戊日致祭先畱司畱居正位東上餘六神稍後一尺分設左右卽先農壇祀之

神祇壇

見建置

風師雨師之祀見於周官漢以後皆載在祀典唐天寶

中增雷師於雨師之次明初增雲師於風師之次以太歲風雲雷雨諸天神合爲一壇春秋專祀又古者方望之祀天子祭天下名山大川諸侯祭山川之在其地者漢因周制諸侯王祀封內山川由魏及隋嶽鎮海瀆卽其地立祠有司致祭唐宋有命本界刺史縣令之祀有遣官之祀元則遣使分祀明以嶽鎮海瀆及天下山川諸地祇合爲一壇亦春秋專祀至城隍之祀不知始於何時惟南齊慕容儼梁武陵王祀城隍見於史唐李德裕建成都城隍祠李陽冰有縉

枝江縣志

卷之五

秩祀志

四

雲城隍記張說有祭荊州城隍文辭曰城隍是保阼庶是依則前代崇祀之意有在也明初封京都城隍爲承天鑒國司民昇福明靈王府爲鑒察司民威靈公州爲鑒察司民靈祐侯縣爲鑒察司民顯祐伯命詞臣撰制文以頒之附祭於嶽瀆諸神之壇與天神埒洪武三年復以諸神陰陽一氣流行無間乃合二壇爲一二十六年令天下府州縣合祭風雲雷雨境內山川城隍諸神

國朝因之乾隆二年

勅修壇制設神牌三中曰

風雲雷雨之神左曰

山川之神右曰

城隍之神歲春秋仲月致祭祭品儀注同

社稷壇祝辭曰惟

神贊襄天澤福佑蒼黎佐靈化以流形生成永賴乘氣
機而鼓盪溫肅攸宜磅礴高深長保安貞之吉憑依
鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣

枝江縣志

卷之五

秩祀志

五

尚

饗

左傳云龍見而雩蓋巳月萬物始盛待雨而大故祭天
爲百穀祈膏雨也漢儀自立春至立夏旱郡縣各掃
除社稷公卿官長以次行雩禮晉咸甯二年久旱詔
諸旱處廣祈請五月庚午祈雨於社稷山川此雩之
舊典也明建崇雩壇於泰元門之東歲旱則禱雨暘
時若則遣官攝行

國朝雩祀

頒於郡邑歲孟夏諏吉祭於

神祇壇牲帛祝號陳設器數及行禮儀節與祭

社稷同若間不雨及潦行祈祀諏宜祀之辰具祝文備
牲牢籩豆香帛鑪鐙守土官素服虔禱爲民請命行
禮儀節與常祀同既應報祀陳設供具朝服行報祀
禮儀節均與祈祀同

以上常祀雩祀祈祀報祀

按 通禮常雩祈報統於神祇謝志於祀風雲雷雨
山川城隍外並常於雩今從 通禮別之

枝江縣志

卷之五

秩祀志

五

龍神祠

見建置

春秋仲月戊日致祭先期省牲祭日昧爽陳羊一豕一
爵三香盤鑪鐙具黎明贊引贊主祭官入詣盥洗所
盥手畢引至殿內行禮處立通贊贊執事者各司其
事贊就位主祭官就位通贊贊迎

神主祭官詣

神位前跪上香行二跪六叩禮興贊行初獻禮詣

神位前跪進帛進爵叩興詣讀祝位跪贊讀祝辭曰惟
神德洋洋寰海澤潤蒼生允襄水土之平經流順軌廣濟

泉源之用膏雨及時續奏安瀾占大川之利涉功資
育物欣庶類之蕃昌仰藉

神庥宜隆報享謹遵祀典式協良辰敬布几筵肅陳牲
幣尙

饗讀祝畢叩興復位通贊贊行亞獻禮如初獻儀行三
獻禮如亞獻儀通贊贊飲福受胙贊引詣飲福受胙
位跪飲福酒受福胙叩興謝胙行一跪三叩禮興復
位通贊贊徹饌送

神行二跪六叩禮興執事者捧祝帛詣沉帛所贊引引
枝江縣志

卷之五

秩祀志

五

承祭官至江邊揖復位禮畢退

江神

見建
置

春秋戊日致祭祭品儀注與

龍神祠同

土地祠

見建
置

春秋戊日致祭祭品儀注與

龍神祠同

厲壇

見建
置

祭法王祭太厲諸侯祭公厲大夫祭族厲士喪禮疾病

禱於厲皆榜無祀鬼神而祭之春秋傳曰鬼有所歸
乃不爲厲此其義也漢時民間秋祠厲明洪武三年
定制京都祭太厲王國祭國厲府州祭郡厲縣祭邑
厲里社祭鄉厲

國朝因之三月寒食節七月望日十月朔日祭於城北
郊前期守土官飭所司具香燭公服詣

神祇壇以祭厲告

城隍之神上香跪三叩興退至日所司陳羊三豕三米
飲三石尊酒楮帛於祭所設燎爐於壇南黎明禮生

校江縣志

卷之五

秩祀志

五

奉

城隍神入壇設於正中香案一鑪鐙具贊引守土官詣
神位前贊跪守土官跪三上香贊叩興守土官三叩興
退執事者焚楮帛守土官詣燎鑪前祭酒三爵退禮
生仍奉

城隍神位還

神祇壇退

民間叢祠附

關帝廟鄉祠凡九泖洲一關洲一董市一同治三年重

建王大人河一上百里洲甯白總一蕭鐘總一射塚
堰一飲馬蹋一漏洲一其分配各寺觀者尤不可枚
舉今惟董市射塚堰數處存餘多圯

福星廟在縣署西南福傳山乾隆四十三年縣令秦武

域建見藝文有
記並詩

東嶽廟七城內一董市一江口年久傾圯同治三年

職員曹立鰲領修今名東彭家衝一羊角洲一上百

里洲舊縣城一馮口一今存董市江口彭家衝餘圯

南嶽廟在南關外今圯

枝江縣志

卷之五

秩祀志

五

五通廟在沙沱今廢

謝志載祝允明九朝記太祖既定天下大封功臣夜
夢兵卒千萬請加恩卹太祖曰爾等多人無從稽考
姓氏但五人爲伍處處血食足矣於是令天下城市
各立小廟祀之名曰五通五顯五聖

按柳子厚龍城錄柳州舊有鬼名五通余始到不之
信一日因發篋易衣盡爲灰燼余乃爲文醮訴於帝
帝懇我心遂爾龍城絕妖邪之怪而庶士亦得以甯
也是五通之名不自明始

七里廟在高橋

石廟在縣東十里石像石柱

水府廟即蕭公廟北關一前明建雍正二年縣令陳惠

榮重修今移建北門內金雞山子庚有碑記見藝文董

市一乾隆五十四年重建邑貢生曹之新有碑記見藝文

文 洋溪一

按元順帝至正癸卯秋七月太祖與陳友諒大戰於

鄱陽湖舟膠於淺不得動夜夢神告曰余蕭老人也

願助風水一帆明日偽漢太尉張定邊犯帝舟正危

枝江縣志

卷之五 秩記志

五

急間風水大發帝舟順流而退整師再戰遂獲全勝

及戊申正位册封為天下都水神命沿江州縣立廟

祀之節錄壘起餘聞

火神廟一在董市一在上百里洲劉巷市今圯

泰山廟在王大人河

金盆山廟在董市後湖邑令周仲士有碑記見藝文

拽車廟在董市後鄉張頭嶺見古蹟

黃金廟在董市後鄉西

神農廟在羊角洲尾前明建道光二年重修

鎮江廟在羊角洲

高山廟祀漢景帝在灞洲

祖師廟四灞洲一漸洋洲一上百里洲蕭罐總一樊家

場一今皆圯

王爺廟四洋溪二關洲一上百里洲覃家坡一

白馬廟在上百里洲庾臺總

楊四廟在上百里洲徐舊總

娘娘廟在上百里洲蕭罐總

聳洲廟在上百里洲古畢總

枝江縣志

卷之五

秩祀志

五

二郎廟在上百里洲龍坑

岑彭廟在上百里洲彭討公孫述時駐軍於此後人立

廟祀之

見雜志今圯

仙女廟在青塚子

呼風廟在江口西湖周將軍為漢壽亭侯牧馬處

江渚廟在唐家樓

碗池廟在龔家灣

見古蹟

興隆山廟在磚灘總康熙四十三年建

天王廟在縣東一百二十里

蕭家廟在蕭家山有蕭妃墓

見古蹟

右廟

文昌閣一在董市港口內濬放生池貢生張志綸建節婦黃張氏祠建閣右一在江口場下又名文昌宮道光九年修

右閣

漢景帝祠在紫山久圯昭烈入蜀載景帝木主祭此後立祠

見古蹟

三義祠在大東門外江北本魏武祠後改三義祠今圯

枝江縣志

卷之五

秩祀志

五

陳公祠在洋溪邑人爲縣令陳惠榮建

右祠

大通寺在縣署金雞山下宋度宗咸淳二年建有碑記

蓬萊仙境八景之一

見古蹟

今圯

龍泉寺在縣西南五里明季爲流賊所焚康熙二十年重建雍正二年僧際先募化重修

見山川

清泉寺在縣西南花溪邑庠生李起龍曰吾習遊此見高迥之中蒼蒼環蔭幽鳥和鳴絕異塵境令人飄然欲仙邑勝地也康熙三十一年觀察祖公澤深建英

蓉閣於寺側

明月寺在縣南三十里相傳梁武帝所建四十寺之一於邑中最爲古刹

耕園寺在鄭家畝縣南三十里

靜居寺在關洲邑八景彌勒梵鐘卽此見古蹟洲廢寺圯

寶月寺在羊角洲

清修寺一名庾臺寺在上百里洲庾臺總蹟見古蹟

白水寺在上百里洲龍坑

龍興寺在上百里洲程家灣

枝江縣志

卷之五

秩祀志

五

香積寺在上百里洲香渡總

等界寺在澌洋洲元延佑間建碑記云此山名爲第五等東至天台西至峩眉南至普陀北至五臺此山爲

第五等謝志載舊志寺門有二石笋稜角天成明天

順二年一夕風雲雷電交作僧福德視之止存一笋洲淤今亦入土中康熙九年縣令周庭桂移建於舊址西後人仍於舊址重建今有兩等界寺

定江寺在澌洋洲元延佑間建祀中山靖王之孫定江王謝志載前明萬曆四十五年縣令趙善鳴爲築洲

隄人思其德附定江寺塑像尸而祝焉曰尸祝廟又以建在澌洲曰澌洲廟又訛作師祖廟

高殿寺在江北鳳凰山明初建康熙年間重修

金龍寺在董市嘉慶五年邑監生時其治重修觀音閣內澹放生池嘉慶十八年闔邑重修正殿前殿及歌舞臺邑貢生閻大定領修

金沙寺在董市後鄉

法湧寺在董市後鄉寺基半屬枝江半屬宜都寺南石塔屬枝江界同治四年重修

枝江縣志

卷之五

秩祠志

五

寶筏寺在王大人河

慈化寺在縣東杜家灣

廣積寺在馮家灣

彌陀寺在江口相傳唐時建寺最古同治四年重修正殿前殿歌舞樓

清溪寺在余家衝

佛華寺在鳳臺

華嚴寺在施家岡

黃龍寺在證明山

六合寺在草埠

問安寺在江口後相傳漢昭烈駐營於此關張問安見疆

曇華寺在左家場

修文寺在陳家場創自明初原名拖犁明末督師大學

士楊嗣昌討賊入蜀駐節於此奏章中易名修文寺

汪會寺原名水府廟在下百里洲楊家灣

海會寺在新場明時建乾隆三年重修

高峯寺在縣北一百三十里前殿屬枝江後殿屬當陽

枝江縣志

卷之五

秩祀志

六

右寺

三清觀在縣署東久圯三清太清玉清上清

回龍觀花溪一上百里洲戴家城一

朝陽觀在縣西二十二里黎家山相傳為明時古刹遺

址尚存同治元年重建

雙泉觀在龍山坪上有雙泉故名

雲臺觀在官木山明古刹也

永甯觀在漏洲今圯

仁威觀在楊輝總

青龍觀一在孫家湖一在苟家衝觀內有井泉水清冽
養茗最宜

右觀

桂花菴在董市後鄉趙家衝古鐘一天啟六年桂花禪
林鑄

白衣菴李家灣一右建八蜡廟袁馬頭一

觀音菴漏洲一新場一

蔡家菴在上百里洲蕭鑪總

楊家菴在上百里洲古畢總

枝江縣志

卷之五

秩祀志

七

準提菴在庾臺總準提者七俱胝菩薩也

三佛菴在寶筏寺側三佛釋迦文佛阿彌陀佛藥師琉璃

光佛

聖壽菴在縣南二十里建於前明菴踞山之絕頂峯巒

秀聳林木蔚然上多桂每當秋日盛開頗得木樨禪
味左右修竹猗猗產筍絕佳

右菴

四官殿在江口

四聖殿在上百里洲劉家巷今圯

娘娘殿在金盆山右

火星殿在城隍廟左

風神殿在水府廟右

右殿

友蟬氏曰以祀禮教敬則民不苟周官之文可考也後世鮮明此義春秋致祭徒事具文朔望焚香但循故事上無忠信誠懇之意則下無恪恭震動之思其所關者鉅矣邑之常祀著於令甲外此道院梵宮亦所不禁夫神道設教創自聖人信鬼好祠沿爲楚俗

枝江縣志

卷之五

秩祀志

五

觀九歌東皇太乙雲中君少司命諸篇靈之來也周章儵而逝兮遠舉椒漿桂酒儼然黍稷馨香孔蓋翠旌不勝焄蒿悽愴未施敬而敬莫之爲而爲無不祓濯其心罔敢紛紜其志民情不大可見乎宰以治民事神爲事聽鄉村之簫鼓化洽絃歌奉方社之犧羊喜深田畷所謂不苟者卽在於斯若夫志乘載其名邱墟忘其實紫山伊邇莫窺漢帝之闕宮白虎有靈不見王君之遺廟薦溪芼而無所懷尸祝以徒殷又不禁望古遙集徬徨不能去云

